



UNIVERSITÄTS-
BIBLIOTHEK
PADERBORN

Institutiones Canonicæ Sive Ivs Ecclesiasticvm

Wiestner, Jacob

Monachii, 1705

Art. I. De Reservatione fructuum Beneficij vacantis.

[urn:nbn:de:hbz:466:1-62668](#)

Aus percipiunt, vg. pro ejus fabrica, necessariis sumptibus aliunde omnino deficiens, reparanda vel conservanda, vel pro erigendo Seminario, Ecclesia idoneos cléricos cum tempore subministrato &c. quod casu contra minorem partem contradicentem, ut portio aliqua redditum singulis detracta ad illud applicetur, à majori Capituli parte decerni posse, decimum c. cit. & ratio est partim; quia Ecclesiastici redditus canonice assurgi videntur cum obligatione seu onere à SS. Canonibus adjecto; ut, quando id necessitas exigit, ad reparationem sua Ecclesiae istiusque bonum aliter promovendum concurrent, Panormit, in c. cit. n. 7. & Barbola n. 2. & 4. partim vero; quia etiam in statu Politico, vg. in Imperio Romano Imperator cum consensu majoris

partis Principū ac Statuum imponere possunt collectas pro subeundis communibus Imperii necessitatibus à singulis Statibus solvendas, Engel ad banc Rubr. n. 13.

Secundus est, quod à majori parte in præjudicium minoris decernitur aliquid ad opus etiam plūm, sed extraneum sive ad Ecclesiam vel Capitulum non multum spectans: quod casu pars minor vel etiam unicus ex ista se opponere & decretum impedire potest, singulare suum interesse prætendendō, juxta Regulam cit. Panorm.

in c. cit. n. 4.
Tertiō, simili modō pars major decernere aliquid non potest in præjudicium minoris contradicentis, de bonis singularium patrimonialibus vel quasi, sive aliunde quam Ecclesiae intuitu quæstis, Fagnanus in c. 1. cit. n. 13.



TITULUS XII.

Vt Ecclesiastica Beneficia sine Dimatione conferantur.

NAcantium Ecclesiarum & Præbendarum Collationibus ad superiores declaratis, ad præsentem Rubricam addendum aliquid est de Reservatione Fructuum & de Pensionum impositione.

ARTICULUS I.

De Reservatione Fructuum Beneficii vacantis.

S U M M A R I U M.

1. Beneficium conferri simul nequit clericis duobus;
2. Neque ejus vacantis fructus applicari alia;
3. Vel ab Episcopo cum Capituli consensu sua;
4. Vel Capitulari mense reservari;
5. Immoriali consuetudine aliquando aliud permittente.

Cum Beneficium propter officium detur, c. fin. de Rescript. in 6. ne, reservatis aut diminutis redditibus,

Bb 2

ditibus, beneficio respondens officium si-
ve ministerium Ecclesiasticum minuatur
vel omnino extinguitur, illius collatio-
necundum Rubrica nostra Regulam fa-
cienda est sine diminutione.

Quare Episcopus Imprimis idem
beneficio conferre nequit duobus, c.
Majoribus 8, & c. Vacante 26. de Prab.
& dignit. nisi rationabilis causa exigat di-
visionem, & tot ejus sint proventus; ut ad
congruam sustentationem duobus suffi-
ciant, c. cit. in fine. Deinde beneficio-
rum collationem, ut fructus interim ipse
percipiat, differre, arg. c. Extirpan-
de 30. §. fin. eadem Rubr. Et demum,
tam ipse quam collatores alii, beneficia
conferendo, & patroni ad eadem clericos
praesentando ex iis provenientes fructus
omnes vel eorum partem aliquam sibi aut
confanguinei vel amicis suis applicanda,
reservare prohibentur, c. cit. c. Unico bte
& c. Prohibemus 7. de Censibus. Imo, si
eos exigerent pro collatione, haec simo-
niaca & omnino irrita foret, c. Unico cit.
§. Sed credimus, c. Clericō 6, & c. fin. de Pa-
elis Panormit. in c. Unic. cit. n. 4 Vallen-
de Benef. Lib. 2. Tit. 6. à n. 1. & Pirrhing
ad hanc Rubr. n. 2.

Quin de Jure beneficia non solum
integre conferenda, sed ex iis etiam va-
cantibus collecti fructus asterrandi &
successoribus restituendi sunt, c. Cum Vos
4. de Offic. Ordin. nisi (ut, qui vacatio-
nis tempore ex pralaturis proveniunt, c.
Quia Iose 40. de Elef. in 6) eorum pars
aliqua applicanda sit fabricae & in Eccle-
sia utilitatem convertenda: vel ex Con-
suetudine loci, in quo clerici de bonis Ec-
clesiae intuitu quasit testantur, iisque
intestatis proximi confanguinei succe-
dunt, omnes dividendi sint inter benefici-
arii haeredes & succelforem, arg. Ex-
travag. 2. pr. Joan. XXII. de Elef. Co-
varruvias Lib. 1. Var. cap. 15. n. 12. Mo-

lina Tract. 2. de J. & f. disp. 305. n. 7, &
Gonzalez in c. Cum Vos cit. n. 7. Unde
Dubium oritur, an Episcopus ve-
cantium beneficiorum fructus aut isto-
rum partem aliquam sibi valeat referre.
Quod in c. Unic. cit. affirmant Gloff
fin. Innocentius à n. 6. Imola n. 23, &
Interpp. alii apud Barbolam ibid. n. 10,
non dissentientem. Ratione ea precipue
nituntur; quod Episcopus, capituli sui
consensu accedente & justa causa suade-
nte, beneficium aliquod valeat omnino &
in perpetuum extinguere, c. Cum ac-
cesserit 8. de Consistit. Cur non etiam ale-
cujus beneficij pinguis reditus orime
partem ad tempus tantum reservare?
Cui enim licet, quod est plus, usque th-
am licet, quod est minus, Regula est, n.
in 6, que vel maximè locum habet, quando-
ut hic, minus in majori permiso con-
tinetur, arg. c. Ex parte 27. de Decimū
1. Nec in ea 22. ff. ad L. Jul. de adult.

Vero, quia c. Cum accesserit cit.
relatam Primiceriatis extinctionem à se-
de Apostolica confirmatam, ipsò ejus tem-
pore exprimitur, leve est, quod in repre-
sentem ex eo ducitur argumentum. Un-
de verisimilius Panormit. in c. Unic. cit.
n. 20, vacantis beneficij fructus eiam
cum capituli consensu ad tempus sibi re-
servandi potestatem Jure communi Epi-
scopo competere, negat & desumit par-
tim ex c. Tua nobis 32. de V. S. cuiusca-
si refertur, impetratum à sede Apostoli-
ca privilegium, vi cuius vacantium dic-
cessis sua beneficiorum fructus Episco-
pus ad solvenda debita per biennium pos-
set retinere: quod privilegio opus non
fuerit, si id Jure communi Episcopo sem-
per licuisse; cum quod Jure permisum
est, frustra precibus impetratur, l. 1. c.
de Thesaur. partim ex Clement. 2. de Reb.
Eccl. alien. quā beneficium aliquod fue-
rat capitulari mensa unitre, capituli con-
feusa

senſu accende, Episcopus non permittitur. Quos textus, eti priori de referatione fructuum omnium dicēcēs beneficiorum vacantium: posteriori de perpetua unione sermo sit, in rem præsentem non māle allegari, evincit ejusmodi unio-
nis Episcopo non permis̄ ratio, à Glosa Clement. cit. V. Mensa sua redditā; quod Episcopus in proprio suo factō, hoc est, in unione, ipsius commodū & utilitatem concernente, authoritatē præstare non possit, arg. l. 1. & l. Pupillus 5 ff. de Auth. tue.

Quæ ratio etiam militat ad-
versus unionem temporalem, & fructu-
um, non ex omnibus, sed aliquibus imo
unico tantum beneficio provenientium,
sibi factam reservationem.

Neque eius rationis vim enervat; quod pupilli rem emere, ac proinde in fa-
cto proprio authoritatē præstare, dum-
modo id palam faciat, tutor permittatur,
l. Pupillus cit. §. 4. quia, eti ipsius §. di-
spositiō locum habeat in contractu one-
rolo, ut est emptio, venditio; quod in
eo palam celebrato cesseret causa suspicio-
nis: ei tamen locus non est in gratuita
donatione, ut est collatio beneficii; cūm
in ista fraudis suspicio semper sit, quoties
fit ad propriam utilitatem. Panormit. l. cit.

Quare, ut cum isto Interpretē Pir-
thing ad hanc Rubr. n. 4. infert, licet E-
piscopū, necessitatis aut magnæ utilitatis
causā exigente, cum capitulo suo statue-
re valeat; ut alicujus vel plurim⁹ benefici-
orū vacantium reditus ad tempus re-
serventur: & necessariis sumptibus ali-
undē deficitibus, ad Ecclesiæ Cathedra-
lis fabricam restaurandam, solutionem
debitorum, in Religiosorum sustenta-
tionem vel alium pium & publicum usum
impendantur, juxta c. Unic. cit. §. Si verbi:
statuere tamen cum illo nequit; ut suæ
vel capitulari mensæ applicentur: sicut
in istius utilitatem reservare de Jure ne-

quit certam partem fructuum ex pinguis
beneficio provenientium aut illi benefi-
cium aliquod unire: licet cum ejusdem
capituli sui consensu, ut illorum pars ali-
qua fabricæ restauracioni cedat, & illud alteri
beneficio unitatur, statuere possit, ut
cum S. Thoma 2. 2. q. 100. art. 4. & Pa-
normit. l. cit. n. 19. adverbit Laiman Lib.
q. Traſt. 2. cap. 18. n. 4. quod, reservati-
onē & unione sua vel capitulari mensa
facta, ipse vel capitulum in proprio suo
facta, authoritatē præstaret.

Dixi, Jure communi; quia teste cit.
Laiman traſt. 10. cap. ult. n. 46. ex imme-
moriali Confutudine in quibusdam Epi-
scopatibus hodie quoque primi anni
fructuum nomine portio aliqua Episcopo
ad ejus proventus augendos solvitur, ad
eum ferē modum, quō Annatas Papæ fol-
vi, dictum est Tit. 5. an. 145. cuiusmodi no-
væ exactiōis introductio, & auctio ve-
teris, eti consentanea non sit §. Si verò
est. & decreto Trident. Ses. 24. cap. 14.
de Ref. ejusmodi fructuum detractiones
prohibentis, Laiman tamen cit. n. 48. hoc
Concili⁹ decretum non ubique receptum
ait: & Pirrhing cit. n. 4. non fatis con-
stare existimat, an non eo illæ tantum de-
tractiones reprobatae sint, quæ speciem
referunt Simonia; quod ipsius collatio-
nis vel institutionis intuitu fiant.

ARTICULUS II.

De Pensionis impo- sitione.

SUMMARIUM.

6. *Pensio constituitur in beneficio a-
lienō.*
7. *Alia Temporalis, alia Ecclesiastica
est:*

Bb 3

g. Eccl.